

TUITHANAK DISTRICT (K.S.P)
ONE – DAY SEMINAR
Amun: Tangmual P/C District H.Q
Ani : 11 May.'12
Topic : “BAPTISM”.

Presented by : Rev. B. Lalla,
Executive Secretary

Thumapui :-

- Baptisma ti hi ei Thingtang pa Pau ahi pua, Grik pau a “Baptizo” ahia, Sap pau in “Baptisma” ti ahi. Zia Baptisma ti umzia tak chu- ‘Tui ah Phum, Tui ah dia, Tui a sil’ ahi. Khawvel Kristian te hin, ‘Baptisma chu Pa leh cha leh Thagau Thiangtho min a Tui ah Sil ahi’, ti hi a pawm uh ahi. Chun, A etsakna’n, Pawlam thil ah Tuia sil hin Thagau sukthianna a etsak hi. A thil tepte te chu – Krista I ki zawp nate, pianthakna te, Thagau Thiangtho a siamthakna te, Lalpa a dinga kipiakna te Phum in a Tepte (Seal) ahi. Ahinla, Baptisma hi Lal Jesu gingtu te ding cho ah thil phachuam ahi. Ginglou tu ten chang ta leu, a etsakna cho hi chang intin, a thil etsak leh tepte te chu chang puana. Lal Jesu panglou in phatchuamna a nei puai.

1. Baptisma phatchuamna :-

- ✓ Baptisma hi Hukdam hina hi puana, hukdam te thil chan etsakna leh phum a Teptena ahi. Lal Jesu ngei in a mite teptena’n leh thagau thil poima a mu/dawanna lampi hi ding in, a bik taka siam ahi, haisan thei ahi puai, San thei le ahi puai.
- ✓ Lal Jesu’n a mite dinga a namdet chu ama chan gual kha ahi. Baptisma a chan khan thil danglam tak pathum a um a :- (i) Van kikhawng, (ii) A chung a Thagau chu, (iii) Pa’n a pawm tina Aw. Lal Jesu gingtu ten Baptisma a chan phat uh leh zia thil pathum hi a chang zel ui. Ziakiachun, Peter khan, “Jesu Krista min a Baptisma chang un, tichun Thagau Thiangtho piak chu mu’n lau”, (Nasepte 2:38). Paul in Krista Thina leh Thawkitna kikawp dinga ama a kiput ahi ti a gen, (Rom 6:3,4). Lal Jesu’n Baptisma a chang ah, ama gingtu te Baptis zel dingin a nungjui te thu a pia ahi.
- ✓ Sawlchak Paul in, Thuthungthak a Baptisma a genna hin a kim a, a chang tute lam Ginna a phut a (Rom 6:6, Kol 2). Krista Taksa bak hung hita, (IKor. 12:27). Krista a kivan in a hung khanglian ahi (Gal. 3:27, Rom 6:5). Baptisma ahin gingtu Tui a alutin ahem The/Buak a u um in ahem. Krista a hing ahi (Rom 6:14). Thuthunglui ah namdetna zektan chu Thuthung thak ah Baptisma in ahita, Kochuam ah lutna ahia, Kristian te ki pumkhatna le ahi. Krista a thi a, a thokit hi, ei uh le ama ah I thi a, thokit ngei ding I hi tau ti pawmna Sakrament ahung hi tai.

2. A Chan ding dan :-

- ✓ Bible ahin Phum/Buak tina chia a um puai. Baptisma chan dan, a khen in Buak/Phum ti hi chia pi dan tangpi chu ahi. Presbyterian in Buak thaw a ngainat na ziak chu – Chanchinpha chia dan toh kituak pen ah ngai ahi. Gingtu zosia kibang taka Baptisma chang thei dan chu ahi. Damlou leh a Damte, Tui tamna leh Tui tawmna ah leh kibang taka chan thei dan pen chu ahi. Grik Pau ah ‘Baptizo’ ti’n a kawk chu ahi tho hi. Sawlchak masate bawl dan tuni tiang ah chia pi ahi. Phum hi dem ahi pua, Hukdam hina dinga gen chu pawm lo ahi.

3. Naupang Baptisma :-

- ✓ Baptisma hi Pathian Innkuan, Hukdamna thuthung ah, a mite teptena (Seal) Lalpa ngei in a siam ahi. Nausen mani dawi telna nei mumal lout e bang ziaka Baptisma piak ahi em..? Zia hi hetchian a pawimaw ahi. Nausen te hi a Nu-leh-Pa ten a ginkep gual ah I gin zia uah changsak ahi puai. Krista zuitu dinga siam piting dingin a Nu-leh-Pa ten a tiam uah ahi, zia gual a chu ngai in Kochuam in Baptisma a chansak ahi.
- ✓ Thuthunglui ah I et leh Juda Innkuan ah Naupang te chu zektan in lawplut ahi sek ui, Kochuam ah akibat pi chu Baptisma hi ahi. Kochuam sunga Naupang te seilet sak hi apha, Kochuam mawpuakna le ahizak in Baptisma piak a poimaw ahi. Hippolitas chun – ‘Ama sa pen in Naupang te Baptis unla, amau in a genthei lou chun a Nu-leh-Pa ten ahilouleh a Innkuan te hem in a gensak ding uah ahi’, atia.
- ✓ Naupang te Baptisma chung chang ah Hiadting poimaw te :-
 - (i) Mihing in a hetthiam ma’n le Pathian in a hepi hi. Hukdamna hi Pathian nasep ahi ziate, mihing te hi Pathian gin zia cho ah hing thei ahi ziate Baptisma chan hin ei kawkmui ahi.
 - (ii) Pathian Innkuan ah chun Baptisma hin Naupangte lawplut in a tel sak ahi. A Nu-leh-Pa te puihuaina a Thagau ah seilian ding ahi. Kochuam laka a khanlet ngei a poimaw ahi.
 - (iii) Pathian ging ding in Naupang te I phut thei ta di pua, Sia-leh-Pha a het nai lou zia un, a Nu-leh-Pa mawpuakna kinga ahi.

4. Kua min a Baptis ding ahem...? :-

Zia dawtna poimaw tak hi diktak a dawnhu ding a chun, Lal Jesu’n, Zia Baptisma, Sacrament a siam daw lai ah a thugen kha I kingakna pen ding uah ahi.

- a. Pa-leh-Chapa leh Thagau thiangtho min ah Baptis ding ahi; Lal Jesu’n Van ah akal ma, a thokit nunga a thugen....(Mt. 28:19-20). Pathian ah Mihing Pathum um a, a min ah Baptis in umzia thuk tak a nei. Pathian hina diktak puandawna ahi baka, Pathian hina diktak min a chan hin sukkhial bik neilou ah Baptis ding a Lal Jesu thupiak ahi.
- b. Jesu min a Baptis ding ti hi bang hem a umzia...? Pentikost ni a ging thak te mi sangthum in, Jesu min in Baptisma a chang ui, (Nasepte 2:38ff). Jesu min ti hin umzia thuk tak anei hi. Min ah Baptis ti hin, amin pawtu leh neitu thu a kitulut hi ahi. A min neitu puihuai leh ziltina a kipiakna a kaw a, a thu ngei ah Baptisma chan ding tina ahi. Ziaziakachun, Pa-leh-Chapa leh Thagau thiangtho min ah chan ding ahi. Jesu min a Baptis chu “**Krista min a hih**” tina ahi. Chuleh, ‘**Mina**’ ti hin a thuneina sunga um a kaw a, tichun, Krista min a Baptis chun ‘**Krista ah Baptis**’ tina ahi. Zia chu Lal Jesu thunei na huang sunga laklut tina ahi. Zia apat hin, Baptisma chu Lal Jesu thupiak guala Pa-leh-Chapa leh Thangau Thiangtho min ah chang ding ahi.

“Zia paper mangcha’n hethiam chiat thei ding in, Lalpa’n simtu te zosia malsawm ta hen”.